

Na osnovu čl. 10. i 16. Statuta Općine Centar Sarajevo - Prečišćen tekst ("Službene novine Kantona Sarajevo", broj 23/04), te člana 14. Poslovnika Općinskog vijeća Centar Sarajevo - Prečišćen tekst ("Službene novine Kantona Sarajevo", br. 23/04 i 11/13), Općinsko vijeće Centar Sarajevo je, na Prvoj konstituirajućoj sjednici Općinskog vijeća održanoj dana 16.11.2016. godine, donijelo

#### ODLUKU

##### O IZBORU DVA ZAMJENIKA PREDSEDAVAJUĆE OPĆINSKOG VIJEĆA

Član 1.

Za zamjenike Predsjedavajuće Općinskog vijeća Centar Sarajevo izabrani su Mustafa Mulić i Sulejman Haljevac.

Član 2.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj 01-49-2058/16	Predsjedavajuća
16. novembra 2016. godine	Općinskog vijeća
Sarajevo	<b>Karolina Karačić, s. r.</b>

Ova Odluka je objavljena na oglasnoj ploči Općine Centar Sarajevo dana 22.11.2016. godine.

Na osnovu čl. 10. i 20. Statuta Općine Centar Sarajevo - Prečišćen tekst ("Službene novine Kantona Sarajevo", broj 23/04), te čl. 27. i 38. Poslovnika Općinskog vijeća Centar Sarajevo - Prečišćen tekst ("Službene novine Kantona Sarajevo", br. 23/04 i 11/13), Općinsko vijeće Centar Sarajevo je, na Prvoj konstituirajućoj redovnoj sjednici Općinskog vijeća održanoj dana 16.11.2016. godine, donijelo

#### ODLUKU

##### O IZBORU KOMISIJE ZA IZBOR I IMENOVANJA I MANDATNO-IMUNITETSKA PITANJA

Član 1.

U Komisiju za izbor i imenovanja i mandatno-imunitetska pitanja izabrani su:

1. Abid Jusić
2. Dževad Topić
3. Haris Mujanović
4. Ahmed Gerin
5. Miro Lazović
6. Senada Bosno
7. Nihad Uk

Član 2.

Za predsjednika Komisije izabran je Abid Jusić.

Član 3.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj 01-49-2059/16	Predsjedavajući /po OV
16. novembra 2016. godine	broj 01-49-1137/14
Sarajevo	<b>Nedžad Ajnadžić, s. r.</b>

Ova Odluka je objavljena na oglasnoj ploči Općine Centar Sarajevo dana 22.11.2016. godine.

#### Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25.

Statuta Općine Centar Sarajevo - prečišćeni tekst ("Službene novine Kantona Sarajevo", broj 23/04), Općinski načelnik je dana 18.11.2016. godine, verifikovao i donio

#### ODLUKU

##### O KOREKCIJI REGULACIONOG PLANA "BJELAVE-ČEKALUŠA"

(Stambeni objekat P+2, ulica Derebent br. 7)

Član 1.

Utvrđuje se korekcija Regulacionog plana "Bjelave Čekaluša" ("Službene novine Kantona Sarajevo", broj 07/12.), u daljem tekstu: korekcija Plana.

Član 2.

Korekcijom Plana stvara se planski preduvjet za zamjenu građevinskog fonda, odnosno nove izgradnje stambenog objekta kolektivnog stanovanja, na zemljištu označenom kao k.č. 246/1, 246/2 i 245 K.O. Sarajevo IV, prema sljedećim urbanističko-tehničkim uslovima, odnosno na način:

- Građevinska parcela kao i kolski pristup objektu je uređen na način kako je prikazano na grafičkom prilogu br. 2 i br. 3.
- Namjena predmetnog objekta je stambena.
- Maksimalni horizontalni gabariti i spratnost objekata definisani su u grafičkom prilogu br. 2.
- Najveća visina kote krova objekta je +11,0 m. u odnosu na postojeću kotu parcele.
- Ostali urbanističko-tehnički uslovi definisani su Idejnim projektom Stambenog objekta, ulica Derebent br. 7, urađenog od strane "I.D.E.A." d.o.o. Sarajevo.
- Postojeći objekat na parceli se uklanja, a na granici parcele prema ulici Derebent, uspostaviti novi avlijski zid sa kapijom, u smislu očuvanja karakterističnog ambijenta postojeće ulice.
- Parkiranje vozila riješiti u sklopu vlasničke parcele.

Član 3.

Korekcija Plana sastoji se iz tekstualnog dijela i grafičkog priloga sa prikazanom parcelom i građevinskom linijom planiranog objekta.

Tekstualni dio i grafički prilog korekcije Plana su sastavni dio Regulacionog plana "Bjelave Čekaluša" ("Službene novine Kantona Sarajevo", broj 07/12.).

Član 4.

Korekcija Plana je rađena za fazu urbanizma. Izrada iste nije zahtjevala promjene u ostalim fazama Plana, tako da je korekcija Plana usaglašena sa Idejnim rješenjima, koja su sastavni dio Regulacionog plana "Bjelave Čekaluša".

Član 5.

Po jedan primjerak ovjerene korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva - Službe za urbano planiranje i stambene poslove i Ministarstvu prostornog uređenja i zaštite okoliša Kantona Sarajevo.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar, a naknadno će se objaviti u "Službenim novinama Kantona Sarajevo".

Broj 07-23-2348/16  
18. studenoga 2016. godine  
Sarajevo

Općinski načelnik  
Prof. dr. **Nedžad Ajnadžić, s. r.**